

明代傳記叢刊・綜錄類⑦
周駿富輯

明書列傳(二)

(清)傅維麟撰

明文書局印行

11/17/08

明書卷一百二十五

列傳四

名臣傳十

陳鎬弟傳

陳鎬字宗之。系出會稽。以祖嵩通天官學。徵赴南京。占籍欽天監。父璣由鄉舉爲豐城教諭。鎬賦質卓穎。少受庭訓。以文行聞。成化二十二年丙午鄉試第一。明年成進士。授禮部主事。乞便養。改南吏部郎中。督山東提學副使。爲人明敏。有吏幹。董學時。校閱精核。公廉詳慎。始終如一。諸生登降之序。皆自書之。不假手吏人。輯洙泗誌。振發士習。諸生感其風誼。興起成就者甚多。齊魯間稱名督學。必首推之。晉江西參政。正德五年庚午。晉湖廣布政使。會漢沔盜起。流劫郡縣。民之貧無賴者。蟻附其間。徒黨日衆。鎬設方略。督官兵以次討平之。餘賊未盡。朝廷卽晉鎬都察院副都御史。巡撫其地。鎬曰。良民可驅而爲賊。顧不能還賊爲良民乎。於是移檄諸郡。脅從者不治。湖湘素服其威信。見檄卽盡散歸農。蓋負固阻深者。咸喁喁有更生之樂。七年壬申。以疾乞歸。命未下而卒。所著有矩菴漫藁。金陵人物志。弟欽字諒之。早負文譽。兄弟齊名。成化丙午丁未同登科甲。授南武選主事。署選軍事。秉持清格。峻拒請託。豪貴者側目。咸思中之會。

武庫郎中婁性被誣下獄取勘同部人皆搖手避莫敢暴白欽獨奮身疏其冤狀詔并逮欽同繫者二年性病日寢賴欽周旋得不死久之性乃獲免而欽亦以此名聞天下出知廣平廣平爲畿輔要郡簿書填委欽洞達民隱臨事果決至則踴厲風發百發具興以時巡行屬縣問民所疾苦廉有司賢不肖而勸懲之有望風解印去者郡人號爲陳母弘治乙丑入覲吏部舉天下卓異者十人請加宴賚以欽爲首晉廣東提學副使條教甄別士方嚮風以疾卒時論惜之欽嚴毅方正所與游必當世名人於物非其義不取服官三十年樸素一如寒士爲文典則閑遠知其於忠愛孝友甚隆也所著有自菴集四卷海山聯句集史官曰闕

王竑羅通傳

王竑字公度其先江夏人祖戍河州遂爲河州人正統四年進士竑正直剛毅有經濟才初爲戶科給事中竑王監國初在午門南面視朝百官劾王振誤國讀彈文未起錦衣指揮馬順振黨也從旁叱言官去竑獨前捧順首曰此正姦臣當亟誅百官批殺順又索毛王二長隨監國爲擊死血漬丹陛內臣滌血長史儀銘曰勿滌爲若曹噤復彈籍振家并其黨是冬虜犯京師命竑監守北城軍常是時北城諸將獨戰勝退虜京師解嚴竑上言虜去不大挫必再至宜急爲戰守計勿遂謂無事陞僉都御史守居庸關訓練士卒繕塞險隘軍政一新又能諭以大義感動羣心北門屹然尋病還京以蕭啓代景泰二年漕淮上兼巡撫清理鹽法賑濟有方民多賴之勅巡河御史牛氓貪淫謫民戍開平四年會災傷上疏言山東河

南東昌開封。抵江北徐淮。去年正月大雪異常。夏秋水。人民廬舍漂蕩。麥稻淹沒。老穉顛連流徙。邇者新春風雨連月。寒沍倍冬。不識天意何在。常觀易泰卦象曰。內陽外陰。君子道長。小人道消。否卦象曰。內陰外陽。小人道長。其候類秋冬。是陰盛陽微。殆食祿者君子少而小人多故也。然小人之行。豈儒而不用。鈍而不敏。訥而無言。愚戇而冒犯天怒者乎。必其欺詐若誠敬。便佞若忠鯁。大貪若廉。大姦若愚。卽書所謂靜言庸違。孔子所謂色厲內荏者是也。伏望皇上念祖宗社稷之重。上大咎徵之戒。責有位之臣。痛自修省。改圖進君子。退小人。裨忠良者任政。姦邪者屏處。又必省刑罰而止聚斂。節財用而抑貢獻。能無益之工。嚴無功之賞。散財以收民心。愛民以植邦本。庶幾人事修而天變可回。然欲知君子小人邪正。又必本於聖德之明睿。伏望皇上日親講臣。俾陳二帝三王與祖宗列聖養心修德之要。以清出治之源。則庶幾君子小人莫逃天鑑矣。臣濫處臺憲。致茲災異。無所逃罪。伏乞罷歸田里。上覽曰。賢哉都御史。勿自劾。乃自引咎。敕諸大臣修省。下災郡邑賑濟。竑又上疏言。饑民流徙就食。臣分遣屬吏沿河瞻賑。每遇過舟。董令出米爲粥。分給。賴存活者一百八十五萬八千五百人。勸諭富有力家出米麥穀粟。二十五萬七千三百石。銀三千六百七十兩。錢絲布半之。量給被災者五十五萬七千四百七十九家。缺農具種子七萬四千三百九十七家。亦以官物賑給。民流去撫來。復業者五千五百九十三家。他境流冗安輯者萬六千餘家。幸賴聖明。盜賊稀少。顧鴻鴈之哀鳴。方思鷦鷯之棲戢。未寧更藉休養。庶民康寧。四年陳循金濂皆薦竑心純政平。委曲調劑。弘濟民艱。況總督漕運。姦貪畏憚。兼理巡撫。民兵慕戴。陞副都御史。仍治淮安。

上皇復辟。謫浙江參政。英宗百喑曰。竑者是請我弟籍振者也。尋除名。編管江夏。居半歲。放歸田。天順五年。李來犯陝西。我兵再敗。薦起竑視師。會虜退。再蒞淮上。威行惠戢。聲望益重。憲宗卽位。收用名賢。陞兵部尙書。時兩廣蠻反。竑薦前侍郎韓雍有文武才。宜令帥師討蠻。而雍新得罪。衆難之。竑曰。天子方棄瑕錄瑜。疑雍罪不常用。乃竑非罪廢者耶。議乃定。竑守法嫉邪。人多嚴憚。不能盡行其志。三閱月。請老去。歸二十年乃卒。正德中。謚莊毅。竑與李秉皆一時名臣。比居鄉。竑抗志寡交。秉出入里閭。博奕諧謔。竑聞之曰。執中八座大臣。胡逐細民戲狎不自愛。秉亦語竑曰。所謂大臣者。豈立異鄉曲。矯激爲哉。

羅通吉水人。弱冠舉永樂十年壬辰進士。授監察御史。巡四川。有風節。十九年。通偕諸御史上疏諫。忤旨未發。亡何交趾通。上詔諸御史爲其地知州。通得清化。已而黎利叛來攻清化。通累擊卻之。時成山侯王通擅與利媾。棄交趾。拔吏士歸。檄至。通怒髮上指。謂衆將曰。王通不奉上命。喪地辱國。此城乃羅通生死所耳。衆將曰。如教。於是獨不與利清化。利大發兵八萬。晝夜攻圍。通以少擊多。殊死戰。大敗之。臨年而詔使至。如王通議。乃羣吏士歸。上怒。收成山侯下獄。關死。贖爲庶人。餘皆罷謫。有差而獨召見通。改戶部員外郎。久之坐法免。徙邊赦歸。正統初。起兵部職方郎中。從尙書王驥甘肅征阿台朵兒只伯有功。十四年冬。英宗北狩。報至。以通守居庸關。給事中孫祥守紫荆關。廷議並授僉都御史。時景帝初卽位。面諭吏部。誤云副都御史。二人竟得副都御史。歲十月也。先脫脫不花以三萬騎逼居庸。通飭將士冒矢石固守。虜去。而宣府參將楊俊者。以精騎入衛京師。道關。夜遣人告通。通伏劍厲聲曰。若欲保京師耶。保京師。保居

庸足矣。下令有一人一馬南渡者斬以徇。乃止。會天大寒。令老弱汲水灌城。冰堅滑不可破。虜乃趨紫荆。選兵追敗之。未幾虜酋那言帖木兒五千衆南襲。至拘羊山。通率兵斬捕虜有功。召入參贊軍務。理院事。景泰元年。通疏乞敕石亨楊洪各率精銳。亨自紫荆出大同。洪自居庸出宣府。巡哨提督官軍堵塞關口。修理牆櫓。勦除賊寇。防護耕種。又疏言邊軍安報首功。虛張虜勢。德勝之戰。近在都門。斬虜幾何。陞六萬六千有餘。又疏言腰玉珥貂者。皆苟全性命。忌能憎言。與于謙不協。謙上言德勝當先一萬九千八百八十人陞一級。陣亡三千一百一十八人。陞二級。餘皆給賞。何至六萬。因乞罷兵柄放歸。府部院翰林科道疏乞留于謙。亦言通志在滅賊。爲國計無他。謙等宜同心協力。勿互猜嫌。是年通乞下令擒斬也。先伯顏帖木兒喜甯者。賞萬金。封公侯。于謙上言口外軍民連歲被兵。不能種藝。恐虜犯野無所掠。擁衆以塗。駕爲名。突至太原。則山西搖動。而河南淮甸之間亦可憂矣。宜選有謀略文職大臣。往鎮山西。上以命通。時昌平侯洪乞差文大臣率兵出鴈門。用鹿角擡營護山西。餽運大同。兵部請命通。通意不欲行。疏言于謙楊洪建此策。乞令與臣同行。奏下。謙復疏曰。當國家多事之秋。非臣子辭勞之日。臣謙諳熟山西事情。謙宜去。上仍令通往。三年冬。通言虜恃馬力出入塞下。今也先使臣有馬四萬。宜增價酬之。價重則馬益至。不數年寒馬自空。此坐弱強虜之策也。是年督兵逐虜懷來。至長安嶺。又斬首有功。加太子少保。龍門鷟。鷟諸城殘破。守將撤兵內徙。遺芻糧數萬。通言上虜來有鄉導。欲奪芻糧。守則軍力不足。運則民財不足。焚則國用不足。乞廷議。戶部尙書金濂奏。下通及總餉侍郎劉璉總兵朱謙共計。上已而虜退。通請班師。

還京協贊軍務。四年上將傳要略。命以訓練將士。是秋進右都御史。天順二年致仕。弘治十八年。隆興父老。奏己巳之變。通守關有保障功。敕祠居庸關。史官曰。任天下事者。必有蓋天下之氣。方睿皇北狩。中外岌岌。莫敢誰何。手梓姦臣之首。血漬殿陛者。王訖也。邊帥入衛。伏劍厲聲。不令隻馬南渡者。羅通也。可謂有蓋天下之氣矣。卒之守居庸。遏虜騎。北門屹然。皆得兩臣之力。豈徒以抗厲自雄者乎。

顧璘傳

顧璘。字華玉。上元人。弘治丙辰進士。授廣平知縣。陞南吏部驗封司主事。進稽勳郎中。正德五年庚午。知開封府。癸酉。謫知廣西全州。丙子。起知台州府。陞浙江左參政。嘉靖改元。陞山西按察使。以病免。庚寅。起爲江西按察使。未行。陞浙江布政使。壬辰。進右副都御史。巡撫山西。疏乞終養。忤旨。落都御史。以布政使致仕。丁酉。再起爲右副都御史。巡撫湖廣。己亥。陞刑部右侍郎。改吏部。會顯陵肇工。改工部。領山陵事。進工部尚書。事竣還朝。改南京刑部尚書。璘融朗闊達。精於吏理。能激昂任事。初蒞廣平。甫弱冠。判決敏利。摘伏若神。至爲開封。盜起燕薊。流劫中原。所在騷擾。彭澤領兵壓境。上簡璘自輔。璘練兵轉餉。取具呼吸。折衝勘亂。謀畫居多。鎮守中官廖堂恃瑾黨。圍奪自恣。璘每折其萌芽。瑾誅。堂罷去。而王宏者尤諍謾。繼堂出鎮。璘故不爲禮。有所徵需。一不答。歲時展謁。長揖而已。用是積忤宏。宏方恃錢甯爲援。矯詔逮赴詔獄。璘抗言條對。一無所承。甯無已。遣邏卒陰探郡中。無所得。乃文致他比以上。鐫三階徙全。全僻荒遠陋。

璘不鄙夷其民而拊教之久之民用乂安。士興於學。甫三年移台州。台武衛錯居。俗獷而喜訐。胥吏並緣爲姦。璘爬剔剔抉。求得其利弊所在。次第興除之。故事武衛諸城郡爲修築費。率爲主者乾沒。恆歲一築。築輒壞。璘鉤得所侵漁。悉沒入爲城費。擇人經理。故所隸三城特完。郡瀕海。貧民業鹽自食。苦邏卒窘之。相賊殺不止。璘爲弛禁。俾得負販出郡下。而薄其稅入。往軍餉不時給。貧軍多稱貸。廬僧得肆侵牟。璘支放有期。軍皆給足。而姦民無所牟利矣。郡南瀕江多水患。有中津橋且壞。公修復之。因築石隄而樓其上。凡數十楹。人莫喻其旨。已而潦水猝至。民居得依樓以避。所活以千計。乃服其先見云。璘久於台。悉浙中事宜。繼起爲參政。與左布政日益練達。展采措事。惟志所欲爲。若賦發科謫。調補吏告。皆吏蠹蟠結。前政所不敢問者。璘排根絕蔓。振剔不少縱。文牒糾紛。隨事剴裁。司無留政。御史按浙者皆斂手無所事事。迨撫湖南。提封數千里。撫臣尊重。受計坐理而已。璘輶車徧歷州郡。跋涉險阻。不爲厭。故事行部。以藩臬守臣自隨。悉謝去。供頓次舍。才足周用。民不知勞。念荆湖沃衍。而流庸情弛。科輸煩擾。故所至勸農業。平徭稅。民用安集。而歲亦登。比在鎮逾年。多爲建白。首言地瘠民貧。兵食不足。藩祿無節。後繼爲難。又以湖湘控扼邊徼。地大事繁。御史按部歲一代。勢不得徧。欲添差御史。分蒞湖南。北以廣詢謀。又言外臣多茂異。比限以藩府戚屬。不得內徙。非舊制。乞越例推選。以收滯才。時雖不盡行。聞者以爲篤論。顯陵之作。經費不資。璘長於料簡。程省弗懈。視他所營。率損費十五。而功實倍之。且規制宏偉。民不告病。爲刑尙書。不肯執轍徇人。苟罹於辜。必以法繩之。而怨譟是興。蓋璘負天下重望。高視闊步。遇權貴或傲然不爲意。而與

山林文學行誼士。乃講均敵禮。孳孳獎進之。惟恐不給。坐視忌者側目。雖晚躋尙書。卒困於讒。以沒。人多惜之。平居事親孝。父病疽。時已五十餘。與同臥起。吮濯扶掖。肉血淋漓。十指皆潰。曾不肯委勞於人。處羣從兄弟。尤極友愛。少學於李璠。璠死。妻萬困饑寒。日爲資給。又爲其子置產。旋置旋廢。而其子卒困以死。乃迎萬養於家。死爲殮葬。而給其孫如子。終其身不衰。至於里黨族屬婚喪緩急。多倚成之。爲文不事險刻。雄深爾雅。詩尤雋永。時出奇峭。樂府歌詞。不失漢魏風格。自少已有名世志。舉進士。卽自免歸。與侍講陳魯南太僕王欽佩及從弟副使璫相友。聲望奕然。出入所雅遊。若李獻吉何仲默朱升之徐昌穀皆海內名流。而璠頴頗其間。所歷沅湘天台衡岳。皆山水勝處。雖簿書鞅掌。不忘觚翰。所至領客讌遊。感時懷古。臨觀賦詩。風流文雅。炤燁林壑。有古高賢特達之風。所著有國寶新編近言。顧氏七記。浮湘墓山中集。息園集。憑几集。登衡小記。總若干卷。弟璫有奇節。著寒松齋集。並行於世。

史官曰闕

耿九疇黃紱高明傳

耿九疇字禹範。盧氏人。永樂二十二年進士。宣德六年爲禮科給事。議論持大體。有清譽。正統二年。兩淮鹽法大弊。擢運司同知。九疇性節儉嚴肅。尤慎交接。無毫髮私。吏胥豪商勢家。凜凜不敢肆。常條奏鹽法便宜事。著爲令。內艱。鹽場數千人走闕下乞留。奪情陞都轉鹽運使。常坐水旁。童子曰。水清不若使君清。已而被誣逮下獄。得釋。進都御史。仍清理兩淮鹽法。景帝初陞刑部右侍郎。屢辯疑獄。勢利不能休。有婦

訟其夫坐離異。九疇不可。杖其婦歸夫。尋又出理兩淮鹽法。已而兼江北巡撫。歲凶盜起。九疇善循拊。流民復業者七萬家。敕錄諸郡大辟囚冤得釋者甚衆。有婦人來何苟家者。去而死。婦家訟苟與弟殺婦。苟誣服。九疇疑之。釋苟兄弟。已設法竟得殺婦者。代還京。景泰三年。王文當出陝西鎮守。代陳鑑。文不欲行。諷諸御史留己。九疇以侍郎出陝西鎮守。除弊屏貪。威望益著。先是巡撫多部寺司堂上官文移不得輒下。按察司下亦不肯受約束。九疇奏得徑下。邊將請增臨洮諸衛戍兵。下九疇議。言邊城士卒不爲少。將官能嚴紀律。精練習。勤撫恤。絕侵漁。養銳氣。何不可。一以當百。加之賞罰明信。則人人自奮。不然徒冗食耳。竟不增戍。是秋。敕九疇考察陝西方而官。四年冬。陝西左布政使許資言侍郎鎮守。與御史不相攝。文移輒礙。改九疇右副都御史鎮守。會有旨市羊角爲上供燈。九疇疏論曰。昔宋神宗買浙燈。蘇軾諫止。今買羊角製燈。無乃類是。書曰。不矜細行。終累大德。上遂止。天順元年。公來自陝西。留爲右都御史。掌院。敕考察諸御史。是年。諸御史劾曹石逮詔獄。并逮九疇。降江西右布政使。尋調四川。上知九疇清正。一日對輔臣論人才。言九疇去非其罪。李賢對曰。九疇操行誠不易得。未幾。以禮部右侍郎召。至京。陛見。上憐其老。改南京刑部尚書。曰。遂卿優閑耳。四年卒。上聞之。歎曰。可惜此老。九疇孝友純至。居喪秉禮。平生無他嗜好。退食焚香。讀書而已。交遊不泛。請寄不至其門。雖權貴亦敬憚不敢犯。論事是非確然。不肯詭隨。好善嫉邪。別白太過。以與故衆寡合。累遭讒困。諡清惠。子裕。裕字好問。景泰五年進士。入翰林爲庶吉士。七年除工科給事中。天順元年。九疇在西臺。改翰林檢討。是年。石亨被御史劾。限九疇斥去。謫裕爲泗州判。

官改定州。成化元年召還翰林。歷國子司業祭酒。誨教有恩義。時異姓諸侯年幼者。令學於國學。裕類古諸侯動成言行可法者爲書授之。十二年陞吏部右侍郎。尋轉左。二十二年進尙書。代尹昇。清慎簡平。銓法疏理。諸請寄者不便。忽改南京禮部。而以工部尙書李裕代。孝宗卽位。改南京兵部。參贊機務。弘治元年召爲禮部尙書。婚喪諸大禮。傳經律酌古今行之。崇王請朝。下廷議。裕請遵祖訓。遣書王勿朝。西夷由南海貢獅。裕曰。賈胡嗜利。輒開海道。宜卻去。六年復改吏部尙書。代王恕。加太子太保。天順初。德秀諸王出閣。李賢言。四王講讀官八人。翰林官少。擇新進士授翰林檢討。充王講讀官。至是諸王將出閣。亦按故事。選十進士侍王。十進士詣吏部請。九年滿考得陞。改出王府。裕以爲例不可。十進士語不遜。裕劾十進士首爲除名。餘調外。裕在吏部薦進賢才。務協輿論。愛憎毀譽莫能淆奪。守正立身。干謁斷絕。卽內降斜封。封章抗議。杜塞侍門。父子清修。不營產業。不治居宅第。約儉蕭然。無異寒素。裕偉幹修髯。儼然神明。學問該洽。文章雅正。弘治八年卒。贈太保。諡文恪。

黃紱字用章。封邱人。曾祖思豫。事太祖。掌太常事。以罪編氓沅州。又徙戍平越。紱以故爲平越諸生。舉雲南鄉試。正統十三年進士。爲行人。歷南刑部郎中。爲人廉直。遇事嚴發。卽重忤時貴。不恤。必欲行己意。人或笑黃郎中呆。紱正色抗言不移沮。亦竟以是得名。人皆稱曰黃呆。譚千戶者大猾任俠。結權貴顯人。常奪民廬場萬畝。貴顯人業與譚千戶酒飲食往來。卽知民枉。不能直。紱竟盡法。直廬場歸民。歷四川參議。參政。右布政使數年。初督松茂軍餉。勅治將領侵冒。擒諸倚勢豪肆邊上者。參政時過崇慶。忽旋風起。輿

前絨曰。卽有冤且散。吾爲若理。遂止抵州。沐而禱於城隍。夢中若有神言。州西寺云。絨密訪州西去四十里。有寺常孔道。倚山爲巢。絨旦起。率吏兵急抵寺。盡繫諸僧。諸僧中一人少而壯。甚犇惡。詰之無詞牒。卽塗醋聖額上。曬洗之。隱有巾痕。絨曰。是盜也。卽訊諸僧。諸僧不能隱。盡得其姦狀。蓋寺西有巨塘。夜殺投宿人沈塘中。衆共分其囊資。有妻女則又分其妻女。匿妻女隱窖中。恣淫毒久矣。絨盡按律殺僧。毀其寺。搜出人妻女。給資還。倉吏倚王親侵沒官糧萬計。王曲庇倉吏。絨竟按如法。絨爲錢穀吏。精律比。輒能發摘姦伏。威行川中。青神令聞風解綬去。爲右使時。奏開建昌礦。爲左使。湖廣妖僧繼曉至。勢薰人。絨曰。繼曉以妖術故。不離上左右。今且得罪。雖名掃墓。實逸賊。檄武昌府館之後堂。好飲食。無令得出入。俄事敗。檻送京師伏誅。陞副都御史。巡撫延綬。劾庸弁。擒家奸。絨行道望見川中飲馬婦。片布遮下體。大慚。俯首歎曰。我爲巡撫。令健兒家貧至此。何面目坐臨其上。亟令豫出餉三月。邊健兒素貧苦。延綬特甚。往往巡撫者。輒厚自奉。健兒雖凍餓不問。延綬人素忠樸。至死無怨言。聞其慚歎。人人感泣。願出死力。爲黃都堂一戰。虜亦不至。俄有詔毀菴寺。絨令汰尼。盡傳軍門。給配軍中。壯無妻者。至綬去。延綬多有攜子女拜道傍送者。進戶部尙書。威稜絕然。盡革財賦內外諸積弊。改左都御史入臺。天下仰望其風采。絨戇直崖異。忤人。自恐伏禍不可測。請老去。未幾卒。

高明。字上達。貴溪人。景泰二年進士。爲御史。巡河南。糾斥不職吏六十餘人。會黃河南徙。民耕淤地。畝收歲數斛。議者欲履畝坐稅。明不可。曰。河徙無常。稅額不改。平陸忽復巨浸。常稅猶按舊籍。民何以堪。天順

四年御史趙明等疏劾來朝吏語觸上怒詰疏出誰手明任實草疏都御史寇深言累年奏牘皆屬高明乞貸明過上怒亦解顧喜曰高明能御史先是明劾兵部尙書陳汝言怙勢納賂下獄死汝言灌闌人代于謙爲尙書不數月姦賊萬計誅石亨明及門達籍享家明言亨無反謀蒼頭得免死者百人王翱薦陸山東按察使上嘗謂李賢曰高明宜內用又謂寇深曰高明可都御史南京南京久弛縱明振綱紀効能諸貪殘吏會淫雨極言內自宮禁外至夷狄皆陰盛陽微急宜修省以回災異揚州鹽寇起守兵失利敕明勦捕明造巨艦榜籌亭往來江南北督戰又授方略御史戴琥顧以山擒賊九百餘人並江置還堡高山望候賊出沒露蹤跡不得逞江海間稍靖中官粥私鹽縛儀真指揮羣卒大闕明盡籍其鹽劾中官又條劾戶部及諸巡撫縱法狀及陳利害十餘事衆始忌明明亦三疏請終養成化二年上杭賊起卽家賜明敕便宜討賊明力疾赴閩先諭撫賊降賊恃險不應進兵搗其巢大破賊俘四百人誅其渠魁十一餘並輜坐析上杭溪南里爲永定縣控賊海口民矯令募亡初謀不軌明不欲再起大獄或至用兵坐誅妖言衆遂定卽上疏乞休納符敕去常曰孔戣三宜去司空圖三宜休吾無才一宜退有病二宜退親老無兄弟三宜退及治盜徵宜再起賊平疾作宜再退自稱五宜居士明天性孝而俊暢有通才難進易退出處噉然

史官曰明制設都御史出撫軍民入總臺憲任至重也樹威以德倡法以廉故埋輪攬轡而天下安之若耿使君之清逾止水黃都堂之俯恤健兒斯稱其職矣高明能劾陳汝言貪賂必有以自立者宜其有能

御史之目也。

李賢傳

李賢字原德。鄧州人。生而氣宇凝重。宣德七年舉於鄉第一人。方宴鹿鳴。有鶴數十旋繞廳事上。布政使李昌祺舉酒酬曰。將必有名世之士乎。明年成進士。才藝有名。以核荒使山西。時薛瑄以御史家居。賢往學。益好學沈潛。英宗卽位。上疏言帝王之道。赤子黎庶。羈縻外國。理一分殊。愛有差等。今京師驍官萬餘。以俸言之。指揮月俸三十五石。而實支一石。驍官則實支十七石五斗。是驍官一當華官十七有差。冗食橫賜。其何能繼。況非我族類。其心必異。晉胡迭亂。殷鑒不遠。乞敕兵部漸次徙之於外。不惟省國家萬萬之費。亦可以消未萌之患。雖議者難之。而已已之變。羣起應虜。言始驗矣。正統元年授驗封主事。上言國家都北京以來。頹弛莫甚於太學。繕飾莫多於佛寺。興措如此。可謂大舛。尋詔新太學。又有旨文武誥敕三年不得請。必待九年。賢上言此獎勵臣下之良法。九年得者少矣。無以分貪廉。立勸懲。上從之。十年陞考功郎。轉文選。選法公平。十四年扈駕工木得還。景帝初立。上正本十策曰。勤聖學。顧箴敝。戒嗜欲。絕玩好。慎舉措。崇節儉。畏天變。抑貴近。振士風。結民心。景泰二年詔議禦虜長策。賢請用戰車火創。行可禦虜守境。止可衛民力耕。然善用長技。存乎將士。善馭將士。存乎賞罰。是年冬陞兵部右侍郎。明年奉命察四川諸有司。又明年癸酉還京。改戶部。上言也先弑君。併吞諸夷。包藏禍心。今聽其講和貢馬。削浚膏血。輦送金帛。醜類日強。民生日困。持此悠悠。實非良策。乞敕邊兵臣練兵觀隙。于謙壯其言。請下賢章勵邊臣。

五年轉吏部。采君鑑中孝友恭儉事爲鑑古錄獻上。英宗復辟。一時輔臣多竄殛。遂召賢入內閣兼翰林學士侍郎如故。山東饑請賑金內帑。徐有貞持不可。曰散銀有弊。無益饑者。賢曰天下之事未嘗無弊。顧奉行何如耳。散銀有弊而不貸。是視民饑死而不救也。因噎廢食。豈爲人上之理。力請發三萬兩。上特增四萬。常是時曹石表裏姦橫弄威福。上不堪。密諭輔臣稍抑其干請。會御史楊瑄劾吉祥。亨上壯瑄。令吏部籍瑄名。且大用瑄。曹石意出內閣。哭頓首訴上。奴輩萬死一生。迎復皇上。有貞賢必欲傾奴二人。使無噍類。又伏地哭不已。上不得已。諭言官劾有貞及賢。下詔獄。是日忽雷電大風拔木。損殿宇公署瓦木。上悟釋之。詔調外。亨吉祥亦輒對上言天怒有貞賢。故變意如此。上不應。賢得調福建參政。瀕行適吏尙書王翱得專對。語有問。上曰賢不當與有貞同罰。翱因頓首力言賢醇謹可大用。請改南吏部。翱意賢且遠去避禍。上顧不喜。曰南京遠。仍留賢吏部左侍郎學士。亨吉祥又大恨。顧上意屬賢。不得已匿怨接慙。勤得同召對。輒喜。獨召賢卽不喜。疑賢或短毀。踰月進尙書。天順二年東宮將出閣。領春坊事。吳與弼聘至上。問授何官。對曰與弼老儒。可授春坊諭德侍東宮。與弼辭再三。賢請從與弼請。勵風節。三年亨坐誅。上因問賢迎復事。對曰當時有要臣者。臣不敢從。上怪之。賢曰天位乃陛下固有。若景泰不起。羣臣表請復位。名正言順。何須以奪爲功也。奪之一字。何以示後。此輩貪富貴。非爲社稷計。萬一景泰先覺。此輩不足惜。不審陛下何以自解。幸而事成。此輩得以貪天之功。然天下人心歸嚮陛下者。以正統十數年間節用愛人。與民休息。今爲此輩十壞七八矣。上竦然。詔革奪門功陞者凡四千人。中外肅然。是年賜第於京師。